

Headline	BONUS BESAR		
MediaTitle	Berita Harian		
Date	23 Jan 2015	Color	Full Color
Section	Nasional	Circulation	314,000
Page No	1,4	Readership	942,000
Language	Malay	ArticleSize	573 cm <sup>2</sup>
Journalist	Oleh Nurhayati Abllah dan Haspaizi Mohd	AdValue	RM 19,676
Frequency	Daily	PR Value	RM 59,028



# BONUS BESAR

## // LEMBAGA TABUNG HAJI UMUM PENGAGIHAN BONUS

tertinggi sejak penubuhan  
51 tahun lalu, iaitu 8.25  
peratus bernilai RM3.2 bilion  
kepada 8.6 juta pendeposit  
mulai Isnin ini



## // MERANGKUMI 6.25 PERATUS BONUS TAHUNAN

dan tambahan bonus  
haji 2 peratus kepada  
7.4 juta pemegang akaun  
yang belum pernah  
menunaikan haji

**IKUTI LAPORAN NURHAYATI ABLLAH DAN HASPAIZI MOHD ZAIN ◊ MUKA 4**

Headline	BONUS BESAR		
MediaTitle	Berita Harian		
Date	23 Jan 2015	Color	Full Color
Section	Nasional	Circulation	314,000
Page No	1,4	Readership	942,000
Language	Malay	ArticleSize	573 cm <sup>2</sup>
Journalist	Oleh Nurhayati Ablah dan Haspaizi Mohd	AdValue	RM 19,676
Frequency	Daily	PR Value	RM 59,028

# TH agih bonus RM3.2 bilion

» 8.6 juta pemegang akaun terima pulangan 8.25 peratus

Oleh Nurhayati Ablah dan Haspaizi Mohd Zain

► Kuala Lumpur

**L**embaga Tabung Haji (TH) mencatatkan pembayaran bonus tertinggi sejak penubuhannya 51 tahun lalu apabila mengagihkan bonus sebanyak 8.25 peratus bernilai RM3.2 bilion untuk 8.6 juta pemegang akaunnya.

Pembayaran bonus itu merangkumi 6.25 peratus bonus tahunan dan tambahan bonus haji sebanyak dua peratus kepada pendeposit yang belum pernah menunaikan haji.

Pengumuman itu menyaksikan peningkatan 23 peratus berbanding RM2.6 bilion pada tahun kewangan 2013 dan ia mula diagihkan kepada pendeposit bermula Isnin ini.

Menteri di Jabatan Perdana Menteri, Datuk Seri Jamil Khir Baharom, berkata pembayaran bonus haji sebanyak dua peratus membabitkan 7.4 juta pemegang akaun dan ia tertakluk kepada jumlah bayaran haji semasa iaitu RM9,980.

"Peningkatan pembayaran bonus itu berikutan keuntungan bersih selepas zakat TH mencatatkan RM3.3 bilion iaitu meningkat sebanyak 24 peratus berbanding RM2.6 bilion pada tahun 2013.

"Prestasi itu menunjukkan peningkatan keuntungan lebih lima kali ganda dan menghasilkan nilai tambah sebanyak RM15 bilion kepada dana pendeposit sejak tahun 2006," katanya pada pengumuman bonus pendeposit TH bagi ta-

hun kewangan 2014, di sini, semalam.

Yang turut hadir, Pengerusi TH, Datuk Seri Abdul Azeez Abdul Rahim serta Pengarah Urusan Kumpulan dan Ketua Pegawai Eksekutif TH, Tan Sri Ismee Ismail.

Jamil Khir berkata, walaupun berdepan pelbagai cabaran sepanjang tahun 2014 termasuk ketidakpastian ekonomi dan bencana banjir, TH masih mampu menjana pulangan yang baik, menghasil-

kan pelaburan berhemah dan aktif dalam aktiviti pelaburan mematuhi syariah.

## Rangka pelbagai pelan

"TH sentiasa merangka pelbagai pelan perniagaan jangka pendek dan panjang bagi memastikan penjanaan pulangan yang mapan," katanya.

Selain itu beliau turut mengingatkan simpanan dalam TH adalah berlandaskan kon-

sep Al-Wadi'ad Yad Dhama-nah yang mana simpanan dijamin sepenuhnya oleh kerajaan, manakala bonus kepada pendeposit adalah 'hibah' atau hadiah berdasarkan prestasi kewangan tahun semasa dan mengikut budi-bicara TH.

"Kadar bonus tahunan TH adalah kompetitif berikutan profil pelaburan TH adalah terhad kepada pelaburan berlandaskan syariah, sementara tabungan dalam TH adalah secara sukarela dan tiada had," katanya.



Headline	BONUS BESAR		
MediaTitle	Berita Harian		
Date	23 Jan 2015	Color	Full Color
Section	Nasional	Circulation	314,000
Page No	1,4	Readership	942,000
Language	Malay	ArticleSize	573 cm <sup>2</sup>
Journalist	Oleh Nurhayati Abllah dan Haspaizi Mohd	AdValue	RM 19,676
Frequency	Daily	PR Value	RM 59,028



Jamil Khir (dua dari kanan) bersama Abdul Azeez dan Ismee (kanan) serta Ahli Lembaga Pengarah TH, Tan Sri Abdul Shukor Husin (kiri) mengumumkan bonus pendeposit Tabung Haji.

[FOTO AIZUDDIN SAAD/BH]

